



შპს „თბილისის ნიჭერთა კერძო
სკოლა - აკადემიის“

სანიტარულ-ჰიგიენური ნორმების დაცვის
წესი

შპს ნიჭერთა კერძო სკოლა-აკადემიის სანიტარულ-ჰიგიენური ნორმების დაცვის წესი

მუხლი 1. ზოგადი დებულებები

1.1. წინამდებარე წესი განსაზღვრავს თბილისის ნიჭერთა კერძო სკოლა-აკადემიაში (შემდგომში - სკოლა) სანიტარულ-ჰიგიენური ნორმების დაცვის წესს.

1.2. წინამდებარე წესის მიხედვით განსაზღვრული წესები ვრცელდება სკოლის ყველა მართლზომიერ მფლობელობაში არსებულ სივრცეებზე, მათ შორის სასწავლო და სამუშაო სივრცეებზე.

მუხლი 2. სანიტარულ-ჰიგიენური ნორმების დაცვის პროცედურები

2.1. სკოლა ყოველდღიურად ლაგდება სველი წესით სოდის, საპნის ან სინთეზური სარეცხი საშუალებების გამოყენებით.

2.2 საკლასო ოთახები, დერეფნები (ფოიეები), სპორტ დარბაზი და სხვა სასწავლო და დამხმარე ფართები ლაგდება მეცადინეობების დამთავრების შემდეგ, გაღებული ფანჯრების მდგომარეობაში, ირეცხება იატაკი, იწმინდება მტვრიანი ზედაპირები (მაგიდები, სკამები, ფანჯრის რაფები, გამათბობლები და სხვა).

2.3. თვეში ერთხელ ტარდება შენობების გენერალური დასუფთავება არა მარტო სარეცხი საშუალებებით, არამედ სადეზინფექციო ხსნარების გამოყენებით. ამისათვის გამოიყენება საქართველოს შრომის, ჯანმრთელობისა და სოციალური დაცვის სამინისტროს მიერ რეგისტრირებული სადეზინფექციო საშუალებები.

2.4. ფანჯრები იწმინდება დაბინძურების შესაბამისად, მაგრამ არანაკლებ წელიწადში ორჯერ მაინც. სანიტარიული კვანძი, კვების ბლოკი და სამედიცინო კაბინეტი ექვემდებარება ყოველდღიურ დასუფთავებას სადეზინფექციო საშუალებების გამოყენებით.

2.5. სანიტარულ-ტექნიკური აღჭურვილობა სუფთავდება ყოველდღიურად. უნიტაზის დასაჯდომის, ჩასარეცხი აფხისა და კარების სახელურები ირეცხება ცხელი წყლით და სარეცხი საშუალებით. ნიჟარები, უნიტაზები ირეცხება ჯაგრისით სარეცხი-სადეზინფექციო საშუალებების გამოყენებით მათ ეტიკეტზე მითითებული რეკომენდაციების შესაბამისად.

2.6. სანიტარიული კვანძის დასუფთავებისათვის გამოიყენება ამ მიზნებისათვის განკუთვნილი, სათანადოდ მარკირებული ინვენტარი, რომელიც ინახება განცალკევებით და ექვემდებარება დამუშავებას ყოველი სამუშაო დღის დასრულების შემდგომ.

2.7. სკოლის დასუფთავებისათვის გამოყენებული საყოფაცხოვრებო ქიმია და სადეზინფექციო საშუალებები, ინახება სპეციალურად ამ მიზნისათვის განკუთვნილ, ჩაკეტილ სათავსში/კარადაში, პირვანდელი შეფუთვით, რათა შესაძლებელი იყოს დიფერენცირება მარკირების მიხედვით და არ იყოს ხელმისაწვდომი გარეშე პირათვის.

2.8. კვების ბლოკი სუფთავდება მოსწავლეების, თანამშრომლების ყველა გავლის შემდეგ . საკვების მიღების დასრულების შემდეგ მაგიდები ექვემდებარება რეცხვას ცხელი წყლით და სარეცხი საშუალებებით (საპონი, სოდა დასხვა).

2.9. კვების ბლოკის ჭურჭელი რეცხვის წინ თავისუფლდება საკვების ნარჩენებისაგან, შემდგომ კი ირეცხება ჯაგრისით ცხელ წყალში (>500C) და სარეცხ საშუალებებში (აბაზანის ერთი განყოფილება). ამის შემდეგ ჭურჭელი თავსდება სადეზინფექციო ხსნარში. ბოლოს კი გაივლის გამდინარე ცხელი წყლით (650C) და გაშრეს სპეციალურ საშრობ კარადაში ან თაროებზე.

2.10. ეპიდემიოლოგიურად არაკეთილსაიმედო პერიოდში ჭურჭლის დასუფთავების ეტაპების რიგი იცვლება: საჭმლის ნარჩენებისაგან გათავისუფლებული ჭურჭელი თავსდება სადეზინფექციო ხსნარში, იხარშება 2%-იანი სოდის ხსნარში – 15 წთ-ის განმავლობაში, ამის შემდეგ ჭურჭელი ირეცხება გამდინარე ცხელი წყლით და შრება.

2.11. ეპიდემიოლოგიურად არაკეთილსაიმედო პერიოდში ყოველდღიურ დეზინფექციას ექვემდებარება ყველა ოთახი, სადაც გამოვლინდა დაავადების შემთხვევა. სადეზინფექციო სამუშაოების ჩატარების ხანგრძლივობა კერაში დამოკიდებულია ეპიდსიტუაციაზე საზოგადოებრივი ჯანმრთელობის დაცვის ცენტრების მითითებების შესაბამისად, დაავადების კურსის ლიკვიდაციამდე.

2.12. ეპიდემიოლოგიურად არაკეთილსაიმედო პერიოდში კერაში დეზინფექციის დროს ძირითადი ყურადღება ექცევა იმ ნივთების დამუშავებას, რომლებიც გადამწყვეტ როლს თამაშობენ ინფექციის გადაცემაში (ხშირად შეხებადი ზედაპირები, კარები, კარისა და ფანჯრის სახელურები, მაგიდის ზედაპირები). ჰაერწვეთოვანი ინფექციის გავრცელების პრევენციის მიზნით ხშირად ნიავედება კლასები (ყველა შესვენებაზე), იწმინდება მტვრისაგან, სუფთავდება სველი წესით. ნაწლავური ინფექციების გავრცელების პრევენციისთვის დიდი მნიშვნელობა ენიჭება ჭურჭლის, სასადილო მაგიდების ზედაპირების, სანიტარიულ-ტექნიკური აღჭურვილობის დეზინფექციის მართებულად ჩატარებას.

2.13. სკოლის ტერიტორია ყოველდღიურად სუფთავდება ხოლო ნაგავი გროვდება და იყრება წმინდა ნინოს ქუჩაზე არსებულ თავსახურიან ნაგავშემკრებ კონტეინერებში, რომელიც შენობ(ებ)იდან არანაკლებ 25-30 მეტრის მოშორებითაა განთავსებული.

2.14. ყოველდღიურად ხორცილდება მყარი ნარჩენების შეგროვება საკლასო ოთახებში, სამზარეულოში, სპორტდარბაზში და სხვა სათავსებში და უსაფრთხო გატანა შენობიდან.

- 2.15. ნაგვის კონტეინერები იცლება მათი 3/4-ით გავსებისთანავე რათა არ გადაივსოს.
- 2.16. ნაგვის ლპობისა და ხრწნის თავიდან აცილების მიზნით, ყოველდღიურად ხდება კონტეინერების გატანა სკოლის ტერიტორიიდან, განსაკუთრებით, წლის თბილ პერიოდში. ყოველთვიურად, კონტეინერები ირეცხება და უტარდება დეზინფექცია (10%-იანი ქლორიანი კირის ხსნარით 60წთ-ის განმავლობაში, ან სხვა ნებისმიერი შესაბამისი დეზინფექტანტით).
- 2.17. სკოლა უზრუნველყოფილია ნახმარი წყლების მოცილება/არინებით, სექტიკური ავზების იცლება დროულად და უსაფრთხოდ.
- 2.18. სკოლის ადმინისტრაციის ორგანიზებით, სპეციალიზებული სამსახურის მეშვეობით, ტარდება ნარჩენების კონტეინერების განთავსების ადგილის, ასევე სასადილოს საწყობისა და სარდაფების პერიოდული დამუშავება მწერებისა და მღრღნელების გამრავლების საწინააღმდეგო საშუალებებით (დეზინსექცია, დერატიზაცია).
- 2.19. შენობა-ნაგებობაში მოწყობილია გამიჯნული სანიტარული კვანძები, რომლებიც მუდმივად მარაგდება წყლით, აქვს უწყვეტი განათება, ვენტილაცია და უზრუნველყოფს პირადი ჰიგიენის დაცვის შესაძლებლობას, რომელიც ხელმისაწვდომია ყველა მოსწავლის და პედაგოგისთვის, მათ შორის შშმ პირებისათვის;

მუხლი 3. დასკვნითი დებულება

- 3.1. სკოლის მართლზომიერ მფლობელობაში არსებული ყველა სივრცეში სანიტარულ-ჰიგიენურ ნორმათა დაცვის კონტროლი ევალება სკოლის შრომის უსაფრთხოების მენეჯერს და სკოლის ექიმს/ექთანს;
- 3.2. წინამდებარე წესს ამტკიცებს სკოლის დირექტორი ბრძანების გამოცემის გზით;
- 3.3. ცვლილებების და დამატებების განხორციელება შესაძლებელია 3.2. პუნქტის მიხედვით.